

INUIT ATAQATIGIIT

INATSISARTUNI



UPA2022/043

03.05.2022

Harald Bianco

Inoqarfinnut isorliunerusuniittunut nunaqarfinnullu periarfissat pillugit inuttut ilanngaammut, nuna tamakkerlugu akileraarutip appasinneruneratigut, ilinniarnermilu taarsigassarsiniarnermi taarsersuinermut iluaqusersuinerit il. il. nunatsinni atulersinnaanerat pillugu Norgemi Finnmarkimut atugassaritinneqartut isumassarsiorfigalugit Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi periutsit taamaattut nunatsinni atuutsinnejalersinnaanerannut aningaasaqarnikkut allaffissornikkullu pisortanut, namminersortunut innuttaasunullu aningaasatigut malitsigisassaat ilaatinneqassapput. Misissuinerup inernerikingusinnerpaamik UPA2023-imi inatsisartunut agguanneqariissapput.

(Siumumi Inatsisartunut gruppiat)

Misissuinissamik siunnerfeqaneq Inuit Ataqatigiinniit soqtiginartutut pisariaqatutullu isigaarput, ingammik nunatsinni innutaasut katitigaanerisa allangngoriartornerisa ilutigisaanik.

Siammasinnerusumik misissuinissamik Nalakkersuisut siunnerfeqarnerat Inuit Ataqatigiinniit pisariaqarutut isigaarput, allannguisoqassappammi nunatsinni innutaasunut tamanut sunniuteqartussaassammat.

Naatsorsuutigineqarpoq ukiut qulit femtinillu ingerlanerini sulisinnaasut ikileriarumaartut. Taamaattumik allannguinnginnerup nassatariumaagaatut

INUIT ATAQATIGIIT

INATSISARTUNI



ilimanarluni siunissami sulisussasiortarneq ilinniartullu atugarisaannut ajornarnerulernissamik nassataqaru-maartoq.

Allanut soorlu ilaatigut nioqqutissanik pilersuinermi isorliunerusuni qitiusunilu akit assiginnginnerisa kiisalu najugaqarnermi aningaasartuutit aamma piitsuussutsimut killissarititamik suliaqarnermi paasisat isummersuutaalluarsinnaassallutik.

Taamatut aningaasatigut atugassarititaasuinnat eqqarsaatiginag, siammasissumilli misissuinissamik Naalakkersuisut siunnerfeqarlutik allannguutissamik siunnerfeqarnerat taperserparput, kiisalu misissuilluarnissamik siunertaqartumik Naalakkersuisut piffissamik sivisunerusumik allannguutissamik siunnersuuteqarnerat taperserparput.

Taamatut Inuit Ataqatigiiniit oqaaseqarluta, siunnersuut ataatsimiititaliamut susassaqartumut ingerlaqqissasoq innersuupparput.